

مزيون و طبيه

2024

قصة حب أبدية

تأليف

حمد الرميحي

اعداد و اخراج

علي حسن

1- الفصل الأول

المشهد الأول مقهى شعبي ليل

مجموعة من الشباب وكبار السن يغنون أغنية شعبية بحرية يتصدرهم مزيون بصوته الحزين وعذب وجميل يأسر الفؤاد. وفي جانب من جوانب المقهى يجلس عقاب وبيده كتاب. وبالجانب الآخر أيضاً تطل بنت النوخدة من النافذة تستمع إلى مزيون بانشرأح وبابتسامه عميقة.

- هلال: الله الله يا مزيون - سمعنا - سمعنا
النوبي: (يهز رأسه) خوش صوت عليه
هلال: مزيون هذا إيخّلي الحصى يطرب من حلاوة صوته (ينظر هلال إلى عقاب ويبتسم في سخرية، يشير إلى النوبي لكي يرى عقاب).
النوبي: (مزيون يوقف الغناء ويخرج مغتاظا وبتجه صوب البيت)
هلال: عمى عقاب، اشفيك متكرر وجنبك شایل هموم الدنيا على رأسك.
عقاب: (في سخرية) عقاب من راح ودرس في الخارج وهو حاط دويه ودوب النصرارى
عقاب: (بغضب) مشكلتك يا هلال انك ما تعرف عن النصرارى أي شيء(يخرج خارج المسرح).
النوبي: (يخاطب هلال) إهو شبينه وبين النصرارى ؟
هلال: (وهو يضحك في سخرية) ماكلين حلال أبوه وينافسون أبوه في البحر
النوبي: (في تعجب) بس اللى احنا أنجوف أهم مايدشون الغوص.

النوبي:
هلال:

عن الطنازه يا هلال ..وبعدين عقاب ولد نوخذاك.
باط جبدي ما عنده سواف إلا النصارى سوو النصارى أفعلوا النصارى
مستعمرينا النصارى ماكلين خيرنا ..النصارى ماصين دمننا.
عمي هلال شنهو يعني مستعمرينا.

النوبي:
هلال:
بحار:
هلال:

أنه أدري أول مرة أسمع هالحجي من عقاب.
يقولون أهو إيعرف أشياء عن فعائلهم في البلاد والبلادين اللى برع.
ما عليكم منه، والله النصاره هذا احنا إنجوفهم من أول مادشو لبلاد ماسوا
في حد شيء خطأ هذهمه سايرين في سبحانيتهم (في سخرية وهو
يضحك)بس أنا أظن يا النوبي أن النصارة ماكلين حلال النوخدة شاهين
أبو عقاب (يضحك الاثنان).

بحار:
هلال:

إيقول ماصين دمننا.
(في سخرية .)

النوبي:

النوبي حد مص دمك من النصارة.
(يضع يديه على وجهه وعلى جسمه وهو يضحك في سخرية)ها خلني
أجوف (يشير إلى أحد البحار بالوقوف).
وقف خلني أجوف دمك .ماصينه النصارة مثل ما يقول عقاب وإلا لا .
(ويمسك أحد البحارة من يديه ويضع فمه على ذراعه في حركة تمثيلية
يحاول أن يمص دمه) .

عمي يعني ها الشكل يمصون النصارة دمننا (يضحك الجميع) إذا ها
الشكل أنه ما قط جفتهم (يضحك الجميع) .
(يهمس للنوبي) أخ بس لو إيزوجني النوخدة بنته طيبة.
ظبية الطبي ؟

هلال:
النوبي:

إيه علشان بعد ما يموت بتصير الوريثة الوحيدة.
وأخوها عقاب.

هلال:
النوبي:
هلال:

لا عقاب إن تم على حالته هذي ما يعيش إذا ما ذبحوه النصارة أو بيموت
من القهر (يضحك) .
إشلون عمي.

النوبي:
هلال:

لا هذي شيء ما تعرفه يا الله قوم خلنا إنروح إنام) اظلام على القهوة
(الشعبية) .

ظبية:

(تخرج من منزلها وتدخل منزل مزيون ترى طيبة تمسكها من يديها)

- طيبة: يمه الله يحسن عزاج.
من ؟
- طيبة: ما عرفتيني أنه طيبة.
- طيبة: (في أسي وحزن) يمه طلعي روعي بيتكم خلي مزيون يعيش في أمان.
يمه.
- طيبة: (بقوة) أقولج طلعي -
- طيبة: تخرج وهي تبكي في اتجاه البحر خلف خشبة المسرح
(ترى مزيون يقف وينظر إلى السماء أمام البحر)
(ينظر إليها ويشيح بوجهه إلى البحر تقترب منه طيبة).
- مزيون: الله يحسن عزاك (صمت)
طيبة:
- مزيون: مزيون.....
- طيبة: مزيون رد علي..
- مزيون: روعي بيت أبوج ما أبغى أجونج أبد يكفي اللي سواه أبوج في (..بيكي)
(
- طيبة: بس الناس تقول إن أبوك.
- مزيون: (بغضب) حرامي بايق، الناس ما تسمع إلا كلام القوى وبوج قوته تهد
أجبال ...إنسي مزيون يا بنت شاهين بن عقاب.
- طيبة: (تبكي) بس أنه أحبك يا مزيون وإنه وأنت مالنا ذنب في اللي صار لا
تظلمني يا مزيون بذنب أنه ما بارتكبه..
- مزيون: عاد لنا ذنب ولا مالنا، أقولج فجي عني وشتبغين في العبد مزيون عيد
أبوج (بيكي) روعي بيت أبوج لا يجوفج ويذبطني مثل ما ذبح أبوي.
- طيبة: بس الباحير ما تقول إنه أبوي ذبح أبوك، قولي اشصار (برجاء)
(شفت) ..بيكي مزيون (قول الحقيقة)
- حارب: (صوت حارب في الخلفية بلاي باك) لاتبجي يا مزيون وأبغيك ماتصدق
اللي جفته، وتأكد إن أبوك مظلوم ومسيرك في يوم من الأيام بتعرف
الحقيقة يختفي)
- مزيون: الحقيقة... الحقيقة... الحقيقة.
- طيبة: (بقوة وهو يبكي يسير بسرعة في اتجاه منزله) يا بنت شاهين لازم
تتسين مزيون أنه ما عدت (صمت ..) لازم.
- طيبة: مزيون مالي ذنب (وهي تبكي :) أنه مالي ذنب.

(تذهب إلى منزلها وتخرج خارج المسرح) .
(إضاءة على منزل مزيون وهو يجلس حزين يمسح دموعه تدخل عليه والدته) .

طيبة: قوم لا تبكي .. من يأتك بنت شاهين بن عقاب، لازم تنساها وتحرق قلبها مثل ما حرق أبوها إقلوبنا، حط حبها في جفن أبوك وقطة في البحر خل السمج يأكله مثل ما كل جثة أبوك.

مزيون: (برجاء) يمه ظبية مالها ذنب في اللي صار
طيبة: وإنه وأنت شنهو ذنبنا أنتم بدون عايل أنه أعيش أرمله وأنت إتعيش يتيم، النوخذه يوم ذبح أبوك ما سأل عن حالتنا إشبتيصير بعد موت أبوك، خل قلبك قوي وحرق إفادها مثل ما احترق إفادي.

مزيون: تبيني أصير ظالم مثل النوخذه وأظلم وحده مالها ذنب.
طيبة: (تصرخ بقوة وهي تمسك ثوب مزيون من رقبتة) مزيون .. أنه ما يبك تظلمها بس أبيك تذبحها بنار هجرك أبغيها إتموت وأجوف النوخذه إيموت بحسرتها تسمعني يا مزيون تسمعني ؟
يمه إشها القسيوة أشها الظلم.

طيبة: البادي أظلم...

طيبة: آه لو أنه إمفتحه.

مزيون: وان جان اشبسوين !؟

طيبة: إنجان سميته، حطيتله سم في أكله أو شربه، وخليت ء مصارينه إتقطع، مثل ما قطع السمج لحم أبوك في البحر، آه يا مزيون لو أنه إمفتحه.

مزيون: بس هذا ظلم، والظلم ظلمات يوم القيامة

طيبة: (بحسرة وألم) نارجهنم في قلبي تشتعل، أنت ما تحس فيها.

مزيون: (بقوة وألم) آه يا يمه أنه اتقطع وأنجوى ليل نهار أتقطع بين عقلي وقلبي و بين حبي لظبية وبين دم أبوي بين إلى شفته بعيوني وبين كلام أبوي قبل لا يموت أنا ضايع يا يمه / ضايع مهب عارف من الظالم ومن المظلوم. يمه اكذب عليج اذا قلت لج ان شاء الله

طيبة: المظلوم أبوك ولي شفته لعبة سواها النوخذه وذيل الجلب، لكن وين بيروحون من عذاب رب العالمين، قول يا الله يا شاهين يا ولد عايشه بنت محمد الصدر يعلك ما تهني في دنياك وأخرتك، طالبتك يارحمان يا رحيم، ياسامع دعوة المظلوم إنك تخليني أسمع عنه دازينه في جاري لا

يتحرك ولا يسمع، طلبتك، وحنا على أبواب شهرك الفضيل يارحمان يا رحيم.

مزيون:

حرام عليج يمكن الريال مظلوم

طيبة:

شاهين بن عقاب مظلوم ؟ !أسمع كلام أمك، واحرق قلب ظبوي بنته.

مزيون:

يمه أكذب عليج إذا قلت لج إن شاء الله.

(وهو يخرج في اتجاه القهوة الشعبية تخرج طيبة إلى خارج المسرح، إضاءة على القهوة، النوبي يجلس بعيداً عن عقاب الذي نراه يقرأ كتاباً، يدخل مزيون ويمر بجانب عقاب دون أن يسلم عليه، ويجلس بجانب النوبي).

النوبي:

(بصوت عالي يحاول أن يسمع صوته إلى عقاب) حيا الله مزيون.

عقاب:

(يبتسم بعد سماعه صوت النوبي، يخلق الكتاب ويذهب في اتجاه مزيون والنوبي، ويجلس بقرب مزيون، يقوم مزيون محاولاً الخروج، يمسكه عقاب

(

الله يا مزيون حتى السلام ما تسلم علي وأنت إتعرف إني مالي ذنب في إلي صار و الذنب ذنب لتيوس إلي معاكم على المحمل يوم الحادثة.

النوبي:

(بغضب) إشقصدك ؟!

عقاب:

إيلس يا البطل ما قُصدك أنت.

النوبي:

أشوه (يجلس وهو حريص على سماع ما يدور بين عقاب ؟ ومزيون). أنه ولي يحبونك ما لنا ذنب في إلي صار.

عقاب:

(يخفض رأسه إلى الأسفل في خجل وخوف لمعرفة عقاب سر حبه لأخته ظبية) اش قُصدك ؟

مزيون:

قصدي أنت إتعرفه، بعدين أرفع راسك فوق إلي ينزل راسه تحت عمره ما يحصل على حق إذا كان صاحب حق.

عقاب:

واتمنه ما تكون ظالم مثل أبوي، وأبغيك تعرف إن أحنا كلنا مظالم طول
ماها النصاره داخل ديرتنا إيخيطون وبيطون، إيفصلون كل شيء في
الديرة علشان يناسب مصالحهم، وتاركين الديره بدون قانون، وهم في
بلادهم يتفاخرون بالقانون إلی يحكم بين بني آدم وبني آدم بين الفقير
والغني وهنيه تاركين أبوي وأمثاله يظلمون الناس إيكبرون ثروتهم
ويحافظون على جاههم حتى التعليم. النصارى يعرفون قيمته زين بالنسبة
للبنی آدم، ومخلین أهل الديرة يعيشون في جهل، ما فتحوا ولا مدرسة
ولا حثوا التجار على فتح مدرسة.

النوبي:

وشلنا بالمدارس وحنا إندش الغوص ؟ (!ضحك ويرى هلال يدخل
المسرح ويقف قرب منزل شاهين وينادي النوبي)

هلال:

النوبي

النوبي:

عقاب:

ياك (يخرج من القهوة، ويخرج معه مزيون يسير في اتجاه منزله،
(يخاطب مزيون) فكر في كلامي) ويخرج إلى خارج المسرح اظلام
واضاءة على منزل شاهين) .

هلال:

ها إشعنده عقاب ؟

النوبي:

اشعنده ! هذا هو يسب في النصاره، وها الأيام أجوفه ردّ يسب أبوه.
هذا مؤتته قرّبت.

هلال:

شاهين:

(يخرج من منزله وهو يلبس بشته ها شعندكم ؟)

الضابط:

(يخاطب هلال) ما تخلي سوالفك مع النوبي ؟ يا الله الجماعة ينتظرون
(يخرجون خارج المسرح اظلام على منزل شاهين، اضاءة على مكتب
المستشار في مقدمة خشبة المسرح لنرى المستشار مع أحد ضباطه .
المستشار يتكلم المحلية بلكنة الخواجا والضابط كذلك) .
هذي مسألة حضارية.

المستشار:

هؤلاء لا يعرفون شيء عن الحضارة وأرجو أن نتركهم لتدبر أمورهم
الداخلية كما في السابق.

الضابط:

بس حكومتنا مهتمة جدًا في مسألة العبودية إن بيع العبيد أصبح قضية
عالمية لا يمكن السكوت عليها وتدخلنا فيها

من منطلق حضاري وسياسي ..وما هي أخبار عقاب بن شاهين؟

المستشار:

هذا الكلب كثير الحديث في السياسة ودائم القذف والسب في حكومتنا،

لقد بدأ الناس يستمعون له، وهو يفكر في تكوين حزب سري.
هذا الكلب يجب أن يؤدب قبل أن يكون قاعدة جماهيرية.
إنها مسألة وقت ونحن نراقبه جيدًا.

الضابط:

المستشار:

(يدخل شاهين ومعه هلال المجدمي مكتب المستشار، يخرج الضابط).
(يضحك) المثل يقول لين طريت ..برز له حصاه.

المستشار:

شاهين:

أفا يا سعادة المستشار مالقيت إلا ها المثل !!؟

المستشار:

هذا مثلكم.

هلال:

بس طال عمرك هذا مثل مهيب زين.

المستشار:

لمسامحه يا بو عقاب، والي ما يعرفك ما يسمنك.

هلال:

ما يثمنك طال عمرك.

المستشار:

لمسامحه يا بو عقاب.

شاهين:

طال عمرك في مثل أحسن من بّرز له حصاه، يقول المثل ولد الحلال
على طاريه

المستشار:

ولد الخلال على طاريه.

هلال:

ولد الحلال.

المستشار:

ولد الهلال، ولد الحرام كلهم أولاد آدم وخواه.

والحين خلونا في موضوعنا إشقلت في سאלفة عبيدك ؟

شاهين:

بعد شاقول إنتوا إليّ تامرونه ماشي / وأنه يزي من يز غيري.

المستشار:

أنت يا شاهين إتقول كلام صعب يزي من يز غيري أنه ما تفهم.

هلال:

قصده إيقول مثلي مثل الحناء النواخذة.

المستشار:

(يضحك وهو يرد يزي مثل يز الجماعة) وكم عبد عندكم يا شاهين.

شاهين:

أربعة النوبي وأمه سعيدة ومزيون وأمه طيبة.

المستشار:

أنه أعرف ومكتوب في أوراقي خمسة مزيون وأمه طيبة وابوه حارب.

شاهين:

نعم حارب طال عمرك عطاك عمره ..مات

المستشار:

مات (يبتسم في خبث وينظر إلى هلال) شذبحه ..كان قوي جدًا.

شاهين:

(ينظر إلى هلال وكأنه يقول له تكلم تسود فترة صمت).

هلال:

مات موتيّ ربّه، والموت حق يا صاحب.

شاهين:

(بسرعة وهو يبتسم في فرح) نعم ..نعم طال عمرك .موت ربّه والموت

حق

المستشار: إيه الله يرحمه تفضل يا نوخذة هذا المبلغ وهذي الوثائق باسم الجماعة وقع عليها (يأخذ المبلغ ويوقع على الوثائق أو صكوك الحرية ويأخذها معه).

شاهين: (يخاطب المستشار) تأمرنا بشي طال عمرك ؟ (يقف يريد الخروج) ؟
المستشار: إيلس يا شاهين عندي سאלفة ثانية معاك.
شاهين: خير ؟

المستشار: (بغضب) أسمع يا شاهين ولدك عقاب إلسانه طويل ودائم التهجم والسب في جناب الامبراطورية وأعتقد أنك ما عرفت تربيته.
شاهين: (يحاول الكلام يقاطعه) عقاب -

المستشار: اسمعني أول (بغضب) وخلي أخلص كلامي، إذا ما عرفت إئتأدبه إحنا بنأدبه، احنا سكتنا عليه علشانك أنت وللصبر احد ود يا شاهين، وإذا ما تاب، بتخسره وبتخسر أشياء وايد معاه (صمت).
شاهين: والله شاقولك !

المستشار: لا تقول شيء تفضل الحين، وفكر في كلامي كويس.
شاهين: مع السلامة يالاً يا هلال ؛

المستشار: لا هلال خليه شوي أنه يبغيه في حديث خاص معاه.
شاهين: زين عيل مع السلامة (يخرج وهو ينظر إلى هلال في استغراب.
المستشار: تعرف ليش أخرتك ؟
هلال: لا طال عمرك.

المستشار: علشان عندي إحساس إن عندك كلام عن عقاب ودك تقوله.
هلال: (يفاجأ يصمت يندفع في الكلام بسرعة) الصراحة انه ما دري ليش إنتوا ساكتين عن عقاب إيشتم فيكم ويقول فيكم، وما يخلي شيء ما يقوله عنكم، وآخر شيء يقول عنكم أنكم أتمصون دم الشعوب !!!!!

المستشار: وأنت تصدق ها الكلام ؟!
هلال: لا حشه أنا أعرفه زين، هذا حاقده، بس فيه ناس غافلة وتصدق كلامه والمثل عندنا يقول يا غافل.

المستشار: (يكمل) لك الله.
هلال: (يبتسم) سلط الله عليك ما فيه شيء ما تعرفه حتى يا غافل لك الله !
المستشار: تأكد سيد هلال إن احنا مهيب غافلين لكن نريد حد إيساعدنا على هذا يه الكلب.

- هلال: أفا عليك أنه أساعدكم.
- المستشار: عظيم وهذا من صالحك وصالحنه.
- هلال: إشمقصدك طال عمرك ؟!
- المستشار: مقصدي واضح، ليمنته بتم امجدمي وأنت أحسن من عشرين نوحذه في ها الديره ؟!
- هلال: (يفكر) إيه والله وأنت الصاج .حتى النوخذه شاهين لو مهب أنه إنجان ضاع بين النواخذة وحتى بين بحارته.
- المستشار: إحنا نعرف وايد عنك تفضل.
- هلال: (في استغراب) شنهني هذي افلوس ؟ !!
- المستشار: هذي هديه وكل ما تيبب لنا أخبار عن عقاب وربعه لك هدية أكبر من هذي.
- هلال: بس إنتو بتفكونا منه ؟
- المستشار: هذا يعتمد على معلوماتك.
- هلال: يه (يفرح) أنه حاضر كل أسبوع أمر عليك وايبلك أخباره أول بأول يا الله من رخصتك.
- (إضاءة على منزل شاهين ظبية تجلس وتخيظ بعض الملابس وتغني بصوت منخفض عن هجر الحبيب، يدخل عقاب.)
- عقاب: أيشها الصوت الحلو.
- ظبية: حلت دنياك
- عقاب: (برجاء) ظبية أنتي لازم تنسينه.
- ظبية: من تقصد (بخجل وهي تنظر إلى الأرض) .
- عقاب: تعرفين قصدي، أقصد مزيون زواجك منه صعب وانتي لازم تنسينه
- ظبية: تسير في صمت وخجل.
- (ثم تستدير بقوة) عقاب أشفيك مع أبوي، أمس دخل مغتاظ وتم إسب ويلعن، شفيك وياه.
- عقاب: يقولون أمس كان عند المستشار وأكد قاله شي عني..
- شاهين: (يدخل على كلمة عقاب يقولون ويقف يستمع لبقية الحوار).
- وأنت يومنك تعرف أنهم يتكلمون عنك وشلك حاط دوبك ودوبهم.
- عقاب: ييه !!!!

شاهين:

وحطبه جوف هذاني أقولك جدام أختك ويسمعني زين أنه ربيتك و علمتك
وديتك الخارج تدرس مهب علشان تسب النصاره (بضعف) يالدثوي أنه
ما عندي غيرك يحافظ على ثروتي أنه أجوف الله وأجوفك إحنا ما عندنا
غيرك يا عقاب وهذيله ما يرحمون.

عقاب:

نعم بيه أنه أعر فهم زين ما في قلوبهم رحمة ما يعرفون الا مصالحهم.
(بهذوء وفرح) عيل خلاص خلهم يولون وجوف أنت مصالحك.

شاهين:

عقاب:

شاهين:

(بغضب) عقابه يوز عنها الحجي اللي لا يودى ولا ييب ولا تهدم الثروة
اللي بنيتها بدم قلبي علشانكم.

عقاب:

شاهين:

والناس يا بيه لو مهب هل الديرة ما بنيت ثروتك.

(بغضب شديد ينظر إلى ظبية كي تتدخل) سامعة أخوج والله يا ها لناس
اللي إدافع عنهم لو أطب في مصيبة محد سأل عنك
محد بيسأل عني لكن..

عقاب:

شاهين:

(يقاطعه) جوف عاد والله لو ما سكت عن سب النصاره لا سلمك أنه
لهم وأقولهم عندكم إياه أدبوة / فهمي أخوك] (يخرج) يالعاقله.
وراك ترادد الوالد يا عقاب.

ظبية:

عقاب:

لازم الوالد يعرف رأيي عن النصارة بكل صراحة وإذا ما وصلت صوتي
حق هلي ما بقدر أوصله حق حد النصارى يا ظبية هم سبب كل مشاكلنا.

ظبية:

(وهي تبسم في خجل) كل مشاكلنا يعني النصارة هم اللي مفرقين بين
بني آدم وبني آدم

عقاب:

(يبتسم وقد عرف ماذا تعني) نعم بعد ما يرحلون عن بلادنا كلنا بنصير
مثل بعض ما فيه ناس أحسن من ناس ما فيه فرق بين أسود أبيض.
(يخرج خارج المسرح)

ظبية:

الله يسمع منك وخليهم يرحلون عنا.

وينك يا مزيون تسمع كلام المتعلمين.

(إظلام، إضاءة القهوة الشعبية نرى مزيون يجلس بعيدا عن المجموعة
حزين، يقترب منه بوجاسم ويجلس بجانبه.

مزيون.

بوجاسم:

نعم عمي.

مزيون:

وشفيك يابوك ها الأيام أجوفك كله منزوي بروحك ومحد يجوفك إقولون

بوجاسم:

كله يأم علي السيف أو في البيت أشفيك..؟
هالا ما فيني شيء.

مزيون:

بوجاسم:

إذا أنته محزن على أبوك أترى يا بوك الحزن ما يرجع الميت يقلون حتى
لغنه ما عدت تغني، لا في المعاريس ولا في الدور أو البرايح، الناس
تسائل عنك.

بحار:

بوجاسم:

ايه والله كل الناس في الديرة مشتاقة تسمع صوته.
مزيون لازم صاير فيه شيء والله مهب عادته العادة من ييلس في القهوة
عودة يحجي وها الأيام كله صافن.

النوبي:

(يدخل القهوة مع حوار البحار الأول ويستمتع للحوار الدائر).
أنه عندي شغله بترجع مزيون مثل أول وأحسن.
الله يسمع منك.

بوجاسم:

بحار:

النوبي:

(يقترّب من مزيون وهو يضحك) مزيون قوم عمي شاهين يبيقيك.
قوله مهب ياي وأنه السنة مهب داش وياه الغوص.
(في خوف) شلون.

مزيون:

بوجاسم:

مزيون:

النوبي:

مثل ما سمعت يا بوجاسم
(بسخرية) بتروح وريك فوق راسك.

مزيون:

النوبي وخرعني اقولك مهب رايح

النوبي:

بتروح غصبًا عنك (وهو يضحك)

مزيون:

(بغضب شديد يقف في تحدي) يا الله أجوف اشلون بتوديني.

النوبي:

باوديك غصبًا على اللي جابوك

مزيون:

(يمسك النوبي من رقبتة) أنت مينون والله مخدي أنه بيت ها الريال
مهب داشه لو يعطوني ذهب.

بحار:

بس يا النوبي الريال مهب رايح.

النوبي:

ولي بيعطيك شيء أغلى من الذهب.

بوجاسم:

وشنهو الشيء اللي أغلى من الذهب يا النوبي.

مزيون:

بعد ما بغيه.

النوبي:

(وهو في قمة فرحه) حتى لو عطوك حريتك.

الجميع:

شلون ؟

شلون حريتي ؟

مزيون:

- النوبي: أبشر يا مزيون كل العبيد اللي في الديره عطوهم اصكوك حريتهم، وأمس عمي شاهين وقع أصكوكنا وقع معاه الشيخ والمستشار.
- مزيون: عن لطانزه.
- بوجاسم: معقول
- بحار: أنه جفت النوخذه شاهين طالع من عند المستشار أمس.
- النوبي: (يمسك مزيون من يديه ويسحبه) قوم أقولك عمى شاهين ينطرننا تقولي عن لطانزه.
- بوجاسم: قوم يا مزيون السالفة جنبها صيغ
- (يجرى النوبي ممسك مزيون من يده مزيون في حالة الاستغراب وعدم التصديق الجميع ينظر إلى مزيون والنوبي وهم في حالة من الفرح اظلام على القهوة الشعبية اضاءة على دجت ميلس النوخذه).
- ميلس النوخذه شاهين يدخل عليه المجدمي هلال. وهو يفكر في قضية أبنه عقاب).
- هلال: الله بالخير نوخذة شاهين..
- شاهين: هلا ..هلا ..حيا الله هلال
- هلال: الله يحييك نوخذة..
- (صمت، شاهين يسرح) .
- إشفيك طال عمرك، من جم يوم، مهب عاجبني، خير ؟
- شاهين: إيه والله هالعقاب مهب سامع كلامي.
- هلال: طال عمرك عقاب مضّخه مع النصارى و المستشار قالي عنه، وعن سوافه، والنصارى إذا اغتاظوا، ما يفرقون بينك وبينه، وهم شاكين إنك إتعرضه من تحت لي تحت.
- شاهين: (في خوف) أنه حشه والحشه عن ألف يمين آه لو ودي ما نطق بكلمة عنهم.
- هلال: سفره، خل يكمل تعليمه برع.
- شاهين: مهب راضي، يقول الناس في الديره محتاجين له
- هلال: خلاص، نسويله سوات ما سويناه في حارب.
- شاهين: (في خوف) لا لا هذا ولدي ما عندي غيره يا هلال.
- هلال: خلاص، خله يصارخ لين النصارى يسكتونه.
- شاهين: خايف عليه وايد.

- هلال: طال عمرك نسيتني سالفتي إليّ يايك على شأنها..
شاهين: خير يا هلال.
- هلال: يقولون، وعد الحر دين عليه.
شاهين: نعم وعد الحر دين عليه.
- هلال: طال عمرك، يوم طلبت القرب منك يوم طلبت ظبية وعدتني خير.
شاهين: إيه ظبية بنتي .. إيه .. أنه ما عندي مانع لكن عقاب مهب موافق ويقول
اللي بيتزوج ظبية، لازم يكون متعلم.
- هلال: وأنت اشرايك في كلام عقاب ؟
شاهين: ها أنه لا أقول لازم يكون ريال وكفو وأصيلا وعلى الأقل يكون
مجدمي.
- هلال: (في خبث) طال عمرك أنه ما على من عقاب، أنه قصدي أنت شرايك ؟
شاهين: أنه ما عندي مانع/ وانت ريال كفو بس عقاب.
- هلال: (يضحك فرحًا) خلاص، مسألة عقاب هذي أمرها هين.
شاهين: شبتسوى يا هلال ؟
- هلال: أنه أعرف آتفاهم مع عقاب.
(يضحك) يا الله من رخصتك .
(يدخل مزيون ومعه النوبي)
- شاهين: شدعوه يا مزيون، حتى السلام ما تسلم ؟
مزيون: (بصوت منخفض ينظر إلى الأرض) الله بالخير طال عمرك
شاهين: (بسخرية) أنت للحين ما استلمت الصك ما تسلم عليّ، عيل باجر
إشبتسوى (بسخرية) أكيد بتصير شيخ.
- النوبي: (يضحك) صدقت طال عمرك صدقت إي بصير شيخ.
شاهين: تفضل يا مزيون (وهو يضحك)
مزيون: (يأخذ الصك فرحًا ينظر إليه في لهفة) .
- شاهين: من اليوم انت حر يا مزيون بشهادة الشيخ وشهادتي وشهادة المستشار.
مزيون: (يهمس مع نفسه) اللهم لك الحمد والشكر يارب .. اللهم الحمد والشكر.
شاهين: شتقول اجوفك إتمتم / شتقول ؟
- مزيون: طال عمرك أدعيلك بطولة العمر.
شاهين: (يضحك) تدعيلي والله ما ظنتي تفضل بالنوبي هذا صك حريتك.

- النوبي: (يقبل يد النوخذه ويتسلم الصك..)
- شاهين: شخبار الوالده، يا مزيون ؟
- مزيون: بخير، وتدعيلك بطول العمر
- شاهين: تدعيلي ولا تدعي عليّ ليل ونهار ؟
- مزيون: ها .. لأ لأ.
- شاهين: (أنت ما قلت لها الحقيقة عن موتت أبوك.
- مزيون: (بحزن) قلت لها.
- شاهين: وقولها يقولج النوخذه شاهين بن عقاب الأصيل، ما ينسى المعروف أهل المعروف ما ينسى معروف عمامه.
- مزيون: شقصدك !!؟
- شاهين: قولها وهي تعرف زين شاقصد يا الله توكلوا على الله.
- طيبة : يخرجان ويدخل النوخذه داخل منزله، إظلام، إضاءة على منزل مزيون.
- (في منلوج تخاطب حارب وهي تجلس على السجادة) وينك ياشيخ النواخذة ليش هديتنا ورحت
- (تبكي من الداخل) آه يا حارب، هديت مزيون للجب وذيله، بيعيون ويشترون فيه ليش ما خذتني معاك ؟!
- يدخل مزيون فرحًا لكنه لا يستطيع التعبير عن فرحته فنرى هذا الاضطراب واضح على قسماته يقف صامتًا تشعر به طيبة)..
- طيبة : من ؟
- مزيون: أنه يمه
- طيبة: هاشفيك جنك زعلان ما عطاك الصك ؟ أكيد يبغي فلوس
- أو تراجع عن حجوته..؟
- مزيون: لا يمه عطاني
- طيبة : عيل إشفيك مهب فرحان ؟!.
- ليل
- ساحة القبة
- موسيقى رومانسية في الخلفية
- طيبة: الله أشكتر أنه سعيدة وفرحانه بهاليوم
- مزيون: مهب أكثر مني - أنه أحس باطير من الفرحة
- الحين بس أقدر أقول حق كل الناس في الديره وبكل فخر (يقف ويمشي في حياء)مزيون يحب طيبة

- بنت شاهين بن عقاب -مزيون يجب ظبية بنت شاهين بن عقاب
ما ضاع صبرك وصبري طول هالسنين أحمدك يارب اللي خلتنى اليوم
اللي أجوف مزيون حبيبي وتاج راسي فرحان ومستانس
(وهو يضحك) وبس
- ظبية:
مزيون:
ظبية:
- تبتسم وتضحك) شاقول يعد(تبتدي الاغنية ومزيون وظبية يتراقصان
ويعبران عن فرحتهما ..تخرج الحوريات من البحر ويشاركن ايضا
مزيون وظبية الرقص)
- شاهين:
هلال:
النوبي:
شاهين:
- يه ...يه إشها الزين يا مزيون؟ إشها الزين
طال عمرك من خذ الصك وهو كله يلمع.
صار أبيض من كثر السبوح !!!
(يضحك) لأ - لا مزيون يصير أبيض، والله لايفركونه بليف نخل
عشرين سنة ما صار أبيض.
(تضحك المجموعة ومزيون يبتسم)
- شاهين:
بوجاسم:
شاهين:
بوجاسم:
شاهين:
شاهين:
بوجاسم:
- خير يا بو جاسم أمس في المسيد تقول عندك سالفه لي ...خير.
(وهو متردد) كل خير ...يا نوخذة إنشاء الله كل خير (....وصمت) ...
نعم يا بو جاسم شعندك ؟
طال عمرك مزيون بن حارب ياي طالب القرب منك.
يه ...يه إشها الزين يا مزيون؟ إشها الزين
(يضحك بقوة) مزيون طالب القرب مني يا بو جاسم ؟ !
نعم طال عمرك (الجميع ينظر إلى مزيون نظرة إستغراب مع إستمرار
ضحكات النوخذة شاهين، يقطع ضحكاته فجأة وينظر إلى مزيون
إنت يا مزيون تبغي تزوج الظبي بنتي ؟
(يبتسم في فرح) نعم طال عمرك
(يضحك بقوة ثم يقطع ضحكته وينادي النوبي) النوبي.
لبيك طال عمرك (يقف بقرب من شاهين)
عطني إذنك/(يهمس في إذنه بصوت غير مسموع) يا الله بسرعه يخرج
النوبي من المسرح ...صمت (يا الله يا جماعة تاكلوا على الله) بسخرية)
وخلوني مع نسيبي مزيون بن حارب (يشير إلى هلال بالجلوس يبتسم
الجميع بعد كلمة نسيبي ..مزيون)
المجموعة: (وهي تخرج)ألف مبروك يا مزيون (يكرر).

شاهين:

(يقف بوجاسم حائر في إستغراب يحاول يفهم ماذا يقصد النوخذة.
(يرى حيرة بوجاسم [توكل على الله وخلني أتفاهم مع نسيبي (بسخرية
) ، (يخرج بو جاسم، ويدخل النوبي وهو يمسك حبل) جفتوه وهاتوه
خلوني أربييه عدل.

مزيون:

طال عمرك ليش أنه حر ليش يربطوني ؟ !!

شاهين:

بنجوف الحين إنت حر ولا عبد

مزيون:

طال عمرك أنه حرب وأنه أحب ظبية ..وطيبه تحبني

شاهين:

حبتك لقراده - يالجلب

مزيون:

أنه حر ..أنه حر) يبدأ كل من هلال والنوبي بجلد مزيون مع تصاعد
ضحكات شاهين، (

شاهين:

قول أنه عبد ياللمعون - قول

النوبي:

بيموت طال عمرك

شاهين:

عندكم إياه/ (يجلد) ضربوه وخلوه ما يقدر يمشي طول عمره حتى ما
يهوب صوب بيتنا مرة ثانية هالحمار (يجلد) أنت شنهو يا مزيون؟ (
يضحك بقوة).

مزيون:

(يصرخ بأعلى صوته، يردد صدى الصوت في جوانب المسرح) أنه
عبد طال عمرك أنه عبد طال عمرك.

شاهين:

زين) وهو يضحك (خذوه حذفوه برع) اثنين من العبيد ياخذون مزيون
وكأنه ذبيحة ويرمونه عند باب بيتهم وهو مغمى عليه مع نزول موال)
يبه حرام عليك هذا اللي تسويه.

عقاب:

شاهين:

حرام وكله منك ومن كلامك الماصخ اللي شجع هالحمار وخلاه يخطب
بنت ولي نعمته وهو عبد.

طيبة

أيه عليك يا وليدي .. (تتحسسه) مزيون رد على أمك أيه عليك تبكي

مزيون

آه ، (في ألم) آه أرجوك عمي شاهين .

طيبة

(وهي تبكي) عمت عينه حتين عمت عينه التنتين .

(موسيقى ترقب وإثارة وقلق)

ظبية:

(في الشطر الثاني من الموالم إضاءة على منزل ظبيه، وهي في حالة قلق ترتدي عبائها تحاول الخروج، تعود وهي خائفة، تجلس تفكر، تحاول الخروج، تصل إلى الباب، يقابلها والدها، تعود ينخفض صوت النهام (في غضب)وين رايحه ؟

شاهين:

(في خوف)ها .. باروح .. بيت (صمت) .

ظبية:

شاهين:

يقتررب منها وفي غضب شديد بعد أن يرمي عباءته (البشت) أقولج وين رايحه؟

ظبية:

(تتماسك وتقف بكل قوة) باروح بيت أم مزيون.

شاهين:

(يهجم عليها ويضربها تقع على الأرض) بيت أم مزيون!!؟

ياالفاجرة... أنه تسودين ويهي جدام الناس) يجرها من يديها إلى وسط المسرح

شاهين:

هذي آخرتها يا ظبوي ما بغيتي تحبين إلا هالعبد

ظبية:

(تصرخ من ضرباته من الداخل وتقاوم) ييه تعرف لو تقطعني أنه أحب مزيون (بصوت عالي أحبه).

شاهين:

(أنه مهب مقطّع أنه بادفنج حيه) إنما رديتي عن سواد ويهج يا مسودة الويه.

ظبية:

يا ريتني إنخلقت سوده (تبدأ في الانهيار والضعف مع استمرار ضرب والدها لها وهي تصرخ وتتألم..)

شاهين:

أنه مهب ولد عقاب انجان ما خليتج تزوعين حليب أمج. (يدخل عقاب ويجري يمسك يد والده) .

عقاب:

ييه ... ييه .. حرام عليك.

شاهين:

أنت وختك بطيرون عقلي من راسي جوف أما عقلتها هالمسودة الويه والله لا دفنها حية هذاني أقولك (يخرج) .

ظبية:

عقاب ... عقاب (في ضعف وألم شديد) خله يذبحني خله يموتني تري دام أنه حيه ماتزوج غير مزيون (يغمى عليها....)

عقاب:

ظبيه ... ظبيه (في خوف إظلام).

إضاءة على القهوة الشعبية عقاب يجلس حزين يفكر وفي الجانب الآخر يجلس النبوي وهلال).

- النوبي: (يشير إلى هلال بالذهاب إلى عقاب).
هلال: (متردد) مهيب وقته.
- النوبي: حالات الحديد إطقه وهو حار علشان يلين، والحين فرصة ..قوم توكل على الله (بفرح) بس إن تزوجت وصرت نوحدة لاتنسى وعذك أنه لمجدمي مالك.
- هلال: لا تحاتي بس ادعيلي بالتوفيق.
- هلال: (يذهب هلال ويجلس بقرب من عقاب)
ولا يهمك الجلب مزيون أكيد الحين تأدب زين وعرف الأصول عاد معقول الظبي تاخذ مزيون !!!!
- عقاب: ولي يرحم والديك تسكت عني.
- هلال: (بتردد شديد وخوف) أنه أقول شرايك عن هالفضيحة تزوجوني ظبية..
- عقاب: [يقف وهو غاضب) أنت؟
- هلال: إيه أنه شفيني ؟
- عقاب: تعرف لو ما يبقى ريال في الديرة الا أنت مازوجتك أختي ..تحسبني ما عرف عنك ؟
- هلال: شتعرف ؟
- عقاب: أعرف أنك أنت الا تخلي أبوي يسوي كل هالبلاوي، تكرر في راسه جنك أبلّيس، أنه أزوجك أختي (..بسخرية) أنت تحلم (يخرج).
- هلال: (ينظر إلى النوبي وقد صدمه كلامه فلم يستطيع الرد عليه) أه يالندل أنه لباراويك أحلم.
- النوبي: بل ..بل ما كل عليك كر ما يدانيك.
- هلال: بارويك فيه باجر بتسمع شيصير فيه.
- خلقك في القهوة باروح وبارجلك.
- (يخرج والنوبي ينظر إليه في ستغراب اضاءة إلى مكتب المستشار ..
المستشار يجلس يراجع بعض الأوراق يدخل عليه هلال وهو غاضب).
- المستشار: (يضحك) إشفيك يا هلال زعلان وايد ؟
- هلال: زعلان منكم.
- المستشار: (وهو يضحك على قوليك خير عسي ما طر).
- هلال: ما طر سالفتمكم أمخلين عقابوه يخرب عقول الناس وأنتوا تفرجون عليه.
- المستشار: أكيد مزعلك وايد هالمره.

هال: هالا بس..

المستشار: يعطيه مجموعة من الأوراق (ياالله راونا شطارتك).

هال: شنهو هذا طال عمرك.

المستشار: هذي الأوراق أريدهم باجر في بيت عقاب (يضحك) المستشار، بيتسم

هال وكأنه فهم المعنى (اظلام، إضاءة على المقهى الشعبي النوبي ينظر إلى حيث خرج هال يدخل هال المقهى الشعبي ويأخذ النوبي على جانب).

هال: هاك (يعطيه مجموعة من الأوراق) أبغي تحطهم تحت فراش عقاب،

أنت أدش البيت ومحد يشك فيك وإن صار اللي في راسي وصرت نوخذة أنت بتكون لمجدمي مالي ياالنوبي. أنه المجدمي (بفرح شديد).

النوبي: نعم ياالله راوني شطارتك ياالنوبي أبغيهم تحت فراشه الجلب ..(يضحك،

هال: إظلام، اضاءة على مكتب المستشار، المستشار يسلم الضابط ورقة).

المستشار: هذا كتاب تفتيش بيت عقاب، وأمر بعثقاله، يخرج الضابط إظلام تدريجي

مع ضحكات المستشار، إضاءة على المقهى الشعبي يجلس ترى النوخذة شاهين وهال والنوبي وبوجاسم يدخل أحد البحارة في خوف شديد).

بحار (1): الحق يا نوخذة العسكر معاهم ضابط نصراني دشوا بيتكم ومسكوا ولدك

عقاب، يقلون لقوا عنده أوراق يسب فيها النصارى (تقف المجموعة) يدخل - عقاب مقيد ومعه الضابط ومجموعة من الجنود..

شاهين: خيريا صاحب ؟ شففيه عقاب ؟

الضابط: عقاب يوزع منشورات يهاجم فيها صاحبة الجلالة.

شاهين: صاحبة الجلالة (في استغراب).

الضابط: أنت ما عرفت تربيته، احنا بنربيه عندنا.

عقاب: يبه لا تصدق كلامه أنه مظلوم وهالمناشير ما عرف عنها شيء، وخلصهم

أسون اللي بيغونه.

الضابط: المستشار يريد أن يراك (يخاطب شاهين.

(يجر الضابط عقاب ويخرج إلى خارج المسرح تتبعة المجموعة ما عدا النوبي وهال)

هال: راح فيها الجلب.

النوبي: تهقي شبسون فيه ؟

- هلال: (وهو يضحك) لما سمعت شقال الضابط بربونه يعني يغسلون شراعه.
هلال: (يضحك) تعال معاى خل إنأدب النوخذه بعد إحنا،
المستشار: (أظلام على القهوة، إضاءة على مكتب المستشار، يجلس المستشار يدخل النوخذه شاهين).
- شاهين: (بضعف وخوف شديد) طال عمرك عقاب مظلوم.
المستشار: ياما حذرناك لكن أنت ما تسمع النصيحة، وحننا بنعاقب عقاب، وأبوه كمان.
شاهين: أنه.
المستشار: نعم أنت الواحد اللي ما يعرف يربي عياله لازم يتربي. روح الحين، وبتسمع أخبار تسرك وايد تفضل.
- شاهين: (بهمس) سترك يارب (لا يخرج ثم يقف) طال عمرك عقاب
المستشار: عقاب بيطول عندنا علشان نربييه ونقص لسانه تفضل [يخرج شاهين مع ضحكات المستشار).
- (إضاءة في الخلفية كخيال لمجموعة من السفن، يقترب رجلان من هذه السفن يحمل أحدهما مشعلا والثاني يحمل علبة كبيرة) (بترول) (يسكب منها على السفن، والآخر يشعل النار فيها، يهربان، تتصاعد النيران والدخان. تتصاعد أصوات من الخارج ومن داخل المسرح).
- صوت: حريجة.. حريجة ياهل الديرة.. حريجة ياهل الديرة.
صوت: حريجة في خشب النوخذه شاهين، حريجة في خشب النوخذه شاهين.

نهار مكتب المستشار
(عقاب يظهر عليه أثر التعذيب)

المستشار : (لعقاب) اعترف وخلص نفسك
عقاب: على أيش أعترف – معقول أطبع مناشير لشعب ما يعرف القراية أنت تعرف هذا جيداً وتعرف بأنني بريء واني أناضل من أجل شعبي كما ناضلت أنت ضد النازية من أجل شعبك تذكر حزبك ضد النازية. مجموعة من البحارة يجلسون في القهوة في حزن وصمت، يدخل بوجاسم.

بوجاسم: قوة يا عيال
الجميع: الله يقويك.

بحار (3): بشر يا عم بوجاسم إشصار في القلايط ؟
بوجاسم: ما صار شيء.

بحار (1): إشلون بنعيش، الزاد بتخلص والفلوس اللي عندنا بتخلص.

بحار (2): أنت ما قلت حق ظبية ؟

بوجاسم: قلت لها، قالت البشتخته مالت النوخده أمباكة يوم الحريجة، وفيها كل فلوس النوخدة واللؤلؤ.

بحار (1): عاد معقول ها الحجي ؟

بوجاسم: ظبية ما تجذب (بحزم).

بحار (3): من باقهم ؟!

بوجاسم: الله أعلم.

بحار (2): والأخير شبنسوي ورانا إعيال تبغي تعيش ؟

بوجاسم: ربك كريم، النوبي وهلال من مدّة ما بينوا في القهوة ؟

بحار (3): ولا في المَسِيد.

بحار (1): خايف يكون أسجنوهم مع عقاب بن شاهين ؟

(يدخل النوبي وقد أرّدي ملابس جديدة، يسلم ويجلس).

النوبي: الله بالخير جميع.

الجميع: (باستغراب) يا هلا حيا الله النوبي.

النوبي: شفيكم إطالعوني جي غريب، ماقط جفتوني ؟!!

بوجاسم: من وين لك ها لثياب الجديدة ؟ وشلون شريتهم والناس في الديرة ما تملك

قرش حق أكلها ؟ !!

النوبي:

الله يسلم عمي هلال . أهوه إليّ عطاني لفلوس.

بوجاسم:

وعمك هلال حاله حالنا .. من وين ياب لفلوس ؟

(يدخل هلال وهو يرتدي ثوب وغترة وصديري النوخذة)

هلال

إرث يا بوجاسم (يفاجيء الجميع) .

بوجاسم:

إرث من وين ؟ !!

هلال:

إرث أبوي الله يرحمه توه طالع من ديرة البر الثاني، ديرة عمامي.

بوجاسم:

ما سمعنا عندك عمام في ديرة البر الثاني يا هلال !!!

هلال:

لا عندي ومن اليوم وسائر أسمي النوخذة هلال وسمعوا ومن باجر كل

واحد بدش معاي الغوص أبي عندي في الميلس علشان ياخذ قلاطته.

وعلى أي محمل طال عمرك بدش ؟

بحار (1):

هلال:

أنه شريت بوم وشار، من ديرة القلايف وبعد أسبوعين باروح آبيه مع بحارتي.

هلال:

والمجدمي من اليوم وبسائر بوجاسم إذا ما عنده مانع.

الجميع:

(ما عدى النوبي الذي ينظر بغضب شديد إلى هلال)

والنعم بوجاسم والنعم) يكرر.

من رخصتكم لا تتسون باجر تمرن علي في الميلس، وهذا وعد إلي

ياخذ قلاطة باعطيه قلاطتين ولي ياخذ نص قلاطه باعطيه قلاطة كاملة

(يخرج) .

بحار (1):

الله يطول في عمرك.

بحار (2):

الله يكثر خيرك، ويعوضك كل خير.

النوبي:

الله يهداك يا عمي بوجاسم ليش تكدر خاطر عمي هلال وتسأله من وين

ياب لفلوس، هذا رزق من الله ؟

بحار (1):

إيه والله وأنت الصاج، مالك حق، أنت لازم تشكره، على هالمعروف إلى

سواه فينا، وفي عيالنا.

النوبي:

ويقول المثل إليّ تزوج أمي أقوله يا عمي، والنوخذه هلال أيودي

وصاحب معروف، هو بايق لفلوس ؟

بوجاسم:

لا .. لا بس الواحد إليّ ما يعرف الشيء يسأل عنه، والشيطان مامات يا

النوبي.

النوبي:

أدعوا معاي حق عمي هلال إليّ فج ضيقتنا، ويسر أمرنا، الله يسر أمره،

- ويطول في عمره
الجميع: (ما عدا بوجاسم الذي ينظر إلى الجميع ثم يدعو بعدهم)
أمين يارب العالمين.
- بحار (1): باروح أبشر أم العيال عن دشتنا مع النوخذة هلال..
بحار (2): وأنه بعد باروح أبشرها بالخير اللي يانا !
(يخرج الجميع ما عدا النوبي وبوجاسم).
النوبي: جنك مهيب مستانس بسالفة إرث النوخذة هلال ؟
بوجاسم: (بتردد) لا مستانس
النوبي: عيل ليش ما تروح، تبشر أم العيال وتخليها تدعي في صلاتها بطولة
عمر النوخذة هلال.
بوجاسم: إيه واجب هذاني رايح.
- (يخرج ويخرج وراءه النوبي وهو يضحك بسخرية)
إظلام إضاءة على وسط المسرح يجلس هلال على نفس كرسي النوخذة
شاهين الذي تغير ديكور خلفيته أو أرضيته أو حسب ما يراه مهندس
الديكور، يدخل النوبي وهو في حالة غضب، يقف النوخذة هلال وهو
(يبتسم).
- هلال: شفيك إمبَورْ ..ومن ثلاث أيام ما مريت علي في المليس، حتى قلاطتك
ماجيت تاخذاها ؟
النوبي: أنه ما بغى قلاطه.
هلال: ومن قالك باعطيك قلاطه
أنه مز هبلك قلاطتين.
النوبي: أنه ما بي قلاطتين، أنه آبي تنفذ وعدك، وعد الحر دين، ولا نسيت ..أنت
وأعدني إذا صرت نوخذة بتحطني إمجدمي.
هلال: (يضحك بسخرية) أنت إمجدمي ؟
النوبي: (بقوة) إيه أنه مجدمي شفيني أنه خادمك، وكاتم أسرارك حتى بوكت
بشتخته النوخذة شاهين، أنه جايفك بعيوني، تشكح بيت النوخذة وتبوق
البشتخته، ويوم تحط الحصباه في فراش حارب بومزيون ..الله يرحمه.
هلال: (يندفع نحو النوبي ويمسكه من رقبته بكل قوته)
شتقول أنت يا الثور، إن سمعت منك هالحجوه مرة ثانية قضيت لسانك
!!؟

النوبي:
هلال:

عمي رقبتني .. عمي بتذبطني
مهيب بس باذبحك، أنه باقطعك قطعة كقطعة.
(يتركه، النوبي في خوف شديد يتحسس رقبتة).

النوبي:
هلال:

بس عمي ليش ما تحطني أمجدمي ؟
المجدمي لازم يكون ولد أصول علشان يسمعون كلامه الباحير وأنت ..
(يصمت).

النوبي:

وانه عبد، بس عمي شاهين والمستشار عطوني صك حرיתי، أنه حر
الحين.

هلال:

(يضحك بسخرية) ما بغني كلام زايد في هالسالفة، وأنه مهيب أمقصر
عنك في لفوس، بدل لقلاطتين باعطيك ثلاث وأربع .. لكن أن طلعت منك
سالفت البشتخته، ولا غيرها، لأتلوم إلا نفسك، تراني مابارحك ياالنوبي .
والحين هاك.

(يعطيه صرة من النقود يأخذها النوبي، ثم يرميها بين قدمي هلال
ويخرج).

هلال:

(بغضب شديد) النوبي تعال .. (يأخذ هلال النقود) آه يالجب .. يا
مرزوق . (ينادي).

بحار (1):

يدخل البيك طال عمرك.

هلال:

روح نادلي بومحسن بسرعة (يخرج بحار) ١ (مسرعًا إلى خارج
المسرح، ويستمر هلال في غضبه وانفعاله الشديد، يعود بحار) ١ (وبحار) ٢

تعالوا أقربوا حذاي .. هاكم (يعطيهم صرة النقود) تقاسموها، وإذا نفذتوا
إلي باقوله لكم، لكم عندي صرتين مثل هالصرة.
تامر طال عمرك.

بحار (1)

+ (2):

هلال:

أبغيكم الليلة (يهمس في إذنيهما).

بحار (1)

+ (2):

هلال:

الجب .. ياالله توكلوا على الله . (يخرج الاثنان) ويعود هلال يجلس على
كرسيه وهو يضحك أنه تعصيلي أمر بالخمام، آراويك ..

(يدخل بوجاسم ومجموعة من البحارة، يدخل بحار (1) وبحار) ٢ (كل

من جانب من جوانب المسرح، تستمر إضاءة الخلفية لنرى النوبي في الخلف يحاول النهوض لكنه لا يستطيع يزحف حتى يخرج من الخلفية، ويدخل من أحد جوانب المسرح، يصرخ بضعف شديد، يراه أحد المارة، ينادي رواد القهوة يرفع النوبي وهو ملطخ بالدماء إلى كرسي في القهوة (

بو جاسم: لا حول ولا قوة إلا بالله - ماي عطونه ماي - من إضربك يا النوبي تحجه ؟

(يدخل عقاب واثار التعذيب تبدو على وجهه يقترب من المجموعة)
المجموعة: الحمد لله على سلامتك يا عقاب.

بو جاسم: الحمد لله على السلامة يا عقاب .. تعال جوف مادري من طق النوبي.
عقاب: إليّ طق النوبي معروف والنوبي إيعرفه زين .. اللي طق النوبي أهو إلي حط الأوراق .. في بيتي.

النوبي: (بضعف شديد) سامحني عمي عقاب أنه إلي حطيتهم تحت فراشك . كله من الجلب الشيطان هلال أهو اللي عطاني الأوراق عقب ما عطاء إياهم المستشار، وهو اللي باق بشتخته أبوك، وهو اللي حط الحصباء في فراش حارب بومزيون وتهموه أهو والنوخة شاهين.
بالبوقة حارب بري، ها الفعايل كلها من تدبير هلال سامحني ياعقاب سامحوني يا جماعة ..

بوجاسم: معقوله والله إن قلبي حاس يوم جفته النذل يلعب بالفلوس العب .. ويقول إرث (بسخرية) .

عقاب: كلام النوبي كله صج، وآنه أكذلي الضابط في السجن صحة ضميره، وهو يعذبني وقال لي عن ندالة هلال وسوالفه ويا المستشار.

بوجاسم: خلونا نشيل النوبي نوديه حق هله وأنجوف شغلنا مع النذل هلال.
المجموعة: كلنا معاك يا عقاب ويا بوجاسم.

عقاب: يالله نروح نودي النوبي حق هله.

(يحمل النوبي، تخرج المجموعة خارج المسرح، إضاءة علي المغني يغني أغنية عن انكشاف الحقيقة، والحق لا بد أن ينكشف مهما طال الزمن إضاءة في الخلفية لمجموعة من الرجال تحمل مشاعل، تبحث في الخلفية عن هلال ثم تخرج وتتجه إلى القهوة الشعبية، عقاب يحمل البشتخته.)
(يجلس الجميع في حزن شديد) .

بوجاسم: آه لو صدناه جان حرقناه حرق.

بحار (3): يستاهل النذل..

عقاب:

ما دام حصلنا الفلوس، في الطفاق اللي طقه ومثل ما قلت مردنا بنصيده،
والحين من رخصتكم، ودشت الغوص مثل ما كانت لول..
وأنت النوخدة يا عقاب.

بوجاسم:

الجميع:

عقاب:

الجميع:

على خير من رخصتكم، أروح أجوف الأهل.

في أمان الله نوخذة (يخرج)

(أظلام تام، اضاءة منزل شاهين يدخل عقاب ويجلس على كرسي
النوخدة، يفتح البشتخته، يتحسس اللؤلؤ بفرح، تدخل عليه طيبة وهي
حزينة).

طيبة:

آخوى .. آخوى عقاب.

(تقبله على رأسه)، هنا في الخلفية نسمع رزيف يعبر عن الموقف.

الحمد لله على سلامتك .. جزيه سووا فيك الأنذال (تبكي).

عقاب:

آه بخير أشلون الوالد ؟

طيبة:

عقاب:

هذا هو لا يتحرك ولا يتكلم في حجرته وأنه معاه ليل ونهار.

الله يعطيح الصحة والعافية وماجورة إن شاء الله يالا تعالى أبغي أجوفه.

(يخرجان من المسرح إضاءة على منزل مزيون، طيبة تجلس بجانب
مزيون وهو ينام في فراشه)

طيبة:

لي مِتْه بْتَم راقد في فراشك وتعذب نفسك ؟ لازم تنسي، علشان تعيش

والحين طلع عقاب من السجن، وذيل الجلب شرد والحقيقة طلعت وكل

الناس عرفت أن أبوك حارب بري.

والناس تسأل عنك،، كلهم مشتاقين يسمعون صوتك وغناويك

عقاب:

يدخل منزل مزيون نعم كل الناس مشتاقه حق صوت مزيون، وسوالف
مزيون.

طيبة:

من ؟

عقاب:

آه عقاب طال عمرج.

طيبة:

حيا الله عقاب، الحمد لله على سلامتك.

عقاب:

الله يسلمج يا أم مزيون.

طيبة:

يقولون عذبوك وايد النصارى.

عقاب:

الله ياخذ الحق، وانه اي علشان أطلع مزيون، عن ليعذب نفسه ياالله يا مزيون قم معاي، الناس تسأل عنك في القهوة، والقهوة بدونك مالها حلاه. (مزيون صامت لا يتكلم)

عقاب:

كلميه يمه طيبة.

طيبة:

والله يمك عيزت معاه.

عقاب:

لازم تنسى مشكلة لونك .. العبودية أكبر من اللون والنسب، يا مزيون طول ما علم النصارى إرفرف على أرضنا بنتم كلنا عبيد .. يا الله ياخوي تعالى معاي (صمت).

طيبة:

يمك ما فيه فايده معاه

عقاب:

هاج يمه.

طيبة:

شنهو هذيه ؟

عقاب:

هذي قلاطة مزيون حق الدشة الياية، وهالسنة أنها النوخذة وبوجاسم هو المجدمي

طيبة:

(تز غرد) الله يزيدك خير وينصرك على عاداك".

(يخرج) إظلام، إضاءة على القهوة الشعبية، بوجاسم مع مجموعة من البحارة يجلسون وهم فرحين، يدخل عقاب وهو يرتدي ملابس ايوه حيا الله النوخذة عقاب.

بوجاسم:

حيا الله النوخذة عقاب.

المجموعة:

نوخذة أبن عن جدّ والنعم.

بحار (1):

عقاب:

الله يحيكم.

تفضل هذا صك ملكية اليوم لوشار الديد اللي شراه الجلب هلال تنازل عنه صاحبه يوم عرف سالفته.

بوجاسم:

الجلب.

بحار (2):

الله يسامحه.

عقاب:

صدقت يا نوخذه.

بوجاسم:

عيل أذهب مع جم بحار خلونا نروح إنبييه بعد جم اسبوع.

عقاب:

الكل جاهز طال عمرك.

بوجاسم:

والقلايط اللي وزعها هلال اعتبروها مقدمة من عندي.

عقاب:

الله يزيك خير ويطول في عمرك ياولد الأصول.

بوجاسم:

ياالله من رخصتكم..

عقاب:

- الجميع: (تقف المجموعة احترامًا لعقاب النوخة الجديد).
- عقاب: لا لا ما فيه داعي توقفون، خلّكم مستريحين ما بغى حد يوصلني البيت.
- بوجاسم: ما يصير طال عمرك.
- عقاب: لا يصير، ما فيه جلاب في الطريج، وطريجي أنه أدله.
- بحار (1): بس طال عمرك هذا واجب.
- عقاب: هذاك أول الحين كلنا مثل بعض، ما فيه فرق بين نوخدة وبحار.
- بوجاسم: والنعم هذا عقاب اللي احنا نعرفه الله يكثر خيرك وطول في عمرك.
- (يخرج عقاب والمجموعة تدعوا له بطول العمر، وهي في غاية الفرح والسعادة، اظلام تام، اضاءة على منزل شاهين، ظبية تجلس حزينه يدخل عليها عقاب)
- عقاب: شفية الظبي حزين ؟
- ظبية: مبروك ياخوى أنه فرحانة لانك صرت نوخذه
- (تقول حوارها بحزن).
- عقاب: فرحانه وشكلج كله حزن كبر الأرض قولي لي شفيج يا الله عاد محتاجه شيء أنه حاضر وتحت أمرك أنت تاشرين جم أخت عندي غير هالظبي
- (برجاء حار) ياالله عاد قولي لي.
- مزيون (بخجل).
- ظبية: شفية مزيون ؟
- عقاب: أنت تعرف أنه ومزيون أنحب بعض ويوم تقدم لخطبتي صار اللي صار ..والحين أنت صرت ولي أمري ليش ما تزوجنا.
- (بغضب) شلون أزوج مزيون وشبيقلون عنا الناس ؟!!!
- إيقولون اللي يقولونه.
- عقاب: شلون يقولون اللي يقولون، تبغين إيقولون عقاب النوخة زوّج أخته عبْد !!
- ظبية: الله، لول أتقول ما فيه فرق بين بني آدم وبني آدم واليوم تقول عبد وأنت تدري إن مزيون عنده صكّ حرّيته.
- عقاب: ظبية...إفهميني أنه ما عندي فرق، لكن الناس !
- ظبية: كنت اتقول الجهل معشش في عقولهم.
- عقاب: نعم هذا صبح وعلشان جذيه إحنا لازم نسايسهم.
- ظبية: تسايسهم وتظلم اثنين يبغون ايتزوجون على سنة الله ورسوله، تفرق بين

قلبين الله جمع بينهم !؟

عقاب:

(بغضب شديد) ظبية أنه ما بي أسمع هالسالفة مرة ثانية، وأنتي لازم تنسين مزيون، وألف واحد في ديرتنا يتمناج، أنتي بنت نوخذة أبن عن جد وعلى الأقل تأخذين واحد متعلم مهب مزيون. آخذ واحد ما حبه !؟

ظبية:

عقاب:

ظبية:

عقاب:

عاد حبيته ولا ما حبيته، مزيون لا تحلمين تخذينه.. تغيرت وصرت إتكلم مثل أبوي النوخذة وأنت المتعلم !!! عاد متعلم ولا غير، هذاني أقولج إن طلعتي من البيت بدون شورى ورحتى بيت مزيون كسرت ريلج.

ظبية:

هاك ريلي أكسر ها يا المتعلم، عذبنى قطعني مثل أبوك، أنه مزيون مالي بدمنه، مهب مزوجه غيره لو تذبحنى.

عقاب:

ظبوي لا تسولي فطايح أنا همي أكبر من سالفة مزيون، لازم ما تزعل الناس ونسايسهم حتى يسمعون كلامنا ويصدقونه وينقدون اللي نبغيه، علشان مصلحتنا.

ظبية:

الحين عرفتك زين وطلعت على حقيقتك يا المتعلم ..أنت لو لك مصالح مع النصارى حتى لو بيدمرون ديرتك بتوقف معاهم.

عقاب:

(بغضب شديد) ظبوي تعوزي من أبلّيس وانسي مزيون ..ولا بجوفين شيء عمرك ماجفتية (يخرج).

(تفتح النافذة وتخاطب الجمهور بحزن)

ظبية:

ما فيه فايذة يا مزيون، عقاب أخوي صار نوخذه مثل أبوي..

(أظلام تام، إضاءة على منزل مزيون يجلس مزيون وفي يديه علبة (صبغ) بيضاء وفرشاة وفأس، يفتح العلبة ويصبغ جسمه العاري ووجهه باللون الأبيض وهو يضحك بطريقة هستيرية وكأن أصابه مس من الجنون، إضاءة على منزل شاهين، ظبية تصبغ وجهها ويديها ورجليها باللون الأسود إضاءة على القهوة الشعبية بها مجموعة من الرواد وعقاب وبوجاسم، يدخل بحار (1) ينادي رواد القهوة).

بحار (1):

يا أهل الديرة إلحقوا صادوا الجلب المجدمي هلال صادوا الجلب المجدمي هلال.

(يجري الجميع نحو الصوت، إظلام القهوة الشعبية، إضاءة في الخلفية نرى المجاميع وهي تحمل مشاعل، وتدفع هلال المجدمي ..يدخل

المجدمي الى خشبة المسرح وهو مربوط اليد وخلفه الاطفال والشباب
وهم يغنون من خلفه

(صادوهصادوه البواق ..جابه ..جابه البواق)
(يصلون الى عقاب والبحارة في المقهى
ياحارب مات ذيل الجلب.

عقاب:

طيبة:

اخ عليك اخ ... صج اللي قال اذا انت اكرمت الكريم ملكته .. واذا اكرمت
اللئيم تمردا .. اخ عليك اخذوه قطوه برع الديرة ... (يرجعون الشباب
والاطفال المجدمي وهم يغنون من خلفه الى خارج خشبة المسرح)
وانكشف المغطي..

يا حارب مات ذيل الجلب
وانكشف المغطي.

(تكرر ثم تعود إلى منزلها وتسمع ضحكات مزيون) مزيون يمك أشفيك
؟! مزيون يستمر في صبغ نفسه وهو يضحك.

طيبة:

(بخوف شديد) مزيون حاجني إشفيك.

مزيون:

يمه صرت أبيض .صرت أبيض (يضحك بشكل هستيري).

طيبة:

صرت أبيض أكيد يتيت (تحاول العثور عليه وإمساك).

في المنزل وهي مستمرة في صبغ نفسها وهي تضحك ضحكات
هستيرية (مزيون حبيبي خلاص الحين بنتزوج أنه صرت سودة -
صرت سودة لأن في قانون النوخة المتعلم السودة حق الأسود والبيضة
حق الأبيض (تضحك).

مزيون وصمخ حاجني وين أنت ؟!

مزيون:

(وهو يضحك) خلاص صرت أبيض أبيض من القمر.

الحين يزوجني النوخة ظبية .نوخه شاهين

(بلاي باك صوت عقاب)

عقاب:

ابغيك يامزيون تعرف ان احنا كلنا مظالم طول ماهاالنصارى داخل
ديرتنا ..وعلمهم يرفرف

(يضحك يأخذ الجد وم ويخرج)

مزيون:

تعال يا مزيون ..تعال يا المينون..

طيبة:

(تخرج ظبية وتجري في إتجاه منزل مزيون وهي تضحك كأنها مجنونة).

ظبية : (تخاطب الجمهور) أنه صرت سودة علشان أتزوج حبيبي مزيون.. أنه صرت سودة مثل مزيون...

(تدخل منزل مزيون)

ظبية : يمه طيبة يمه طيبة أنه صرت سودة علشان مزيون، أخوي عقاب وافق لأنني صرت سودة .. أنه العروسة السوداء

مزيون: قانون النواخذة يقول السوداء حق الأسود والأبيض حق البيضة. (بيده فأس ونسمع صوت الرعد بصوت عالي)

انا حر (بلاي باك لصوت عقاب)

عقاب: (صوت) ابيك تعرف ان احنا كلنا مظالم طول

ماهاالنصارى داخل ديرتنا و علمهم يرفرف

صوت الرعد

مزيون: (يسير باتجاه سارية العلم ..) انا حر ... انا حر ... نعم انا حر

صوت الرعد

الجندي: (فوق البرج) ستوب ...قف ..قف (يصفر)

مزيون: (يكرر) انا حر .. نعم انا حر ..(يحاول ان يحطم ويكسر

سارية العلميحاول التقاطه فيطلق عليه الجندي

رصاصة يقع رأسه في حوض امه وهو ينتفض كالطير

يرقص مذبحا من الألم

ظبية:

(تصرخ وتبكي) مزيون .. مزيون حبيبي.. مزيون رد

علي(تخرج الروح وتصعد للسماء وتلحق نظرات الام

الروح وهي صاعدة...ثم ينزل موال يعبر عن صرخة الام

(تصرخ ظبية) مزيون (وهي تطل من الشباك ..فتكتم

صرختها خوفا من اخيها عقاب)

((صوت رعد قوى: متى استعبدتم الناس وقد ولدتهم امهاتهم احرارا (رعد قوى) متى

استعبدتم الناس وقد ولدتهم امهاتهم احرارا

((يتكرر صوت الرعد وتكرر الجملة ثلاث مرات الى ان نسمع صداها عند الجمهور))

(اظلام)